

清·蔣廷錫等編
中國筆記小說文庫續編

神怪大典

中

上海文藝出版社

清・蔣廷錫等編

中國筆記小說文庫續編

神怪大典

下

上海文藝出版社

上海文藝出版社

清·蔣廷錫等編

中國筆記小說文庫續編

神怪大典

上

上海文藝出版社

清·蔣廷錫等編

中國筆記小說文庫續編

神怪大典
中

上海文藝出版社

清·蔣廷錫等編

中國筆記小說文庫續編

神怪大典
下

影印出版说明

《古今图书集成》是中国古代一部大型类书。清·康熙中陈梦雷等原辑,清世宗命蒋廷锡等重辑。本书是《古今图书集成·博物汇编》中的一部分,共三百二十卷,其中有大量的民间文化的内容,如鬼怪、神仙、地狱、灵魂、城隍、庙宇、释道等等,内容繁富,区分详晰。

中华书局 1934 年根据清·雍正铜活字排印本影印,现据此重印。

神 怪 大 典

(影印本 1991 年 5 月)

上海文艺出版社出版、发行

新华书店经销

上海市印刷七厂印刷

ISBN 7-5321-0815-5/I·650

登记证号: (沪)103 定价: (精三册) 99 元

欽定古今圖書集成博物彙編神異典

第一卷目錄

神異總部彙考一

上古 太昊伏羲氏一則 黃帝有熊氏一則 帝嚳高辛氏一則

陶唐氏 帝堯一則

有虞氏 帝舜一則

夏后氏 禹一則 孔甲一則

商 湯一則 武乙一則 紂一則

周 武王一則 厲王一則

秦 始皇一則

漢 高祖二則 文帝一則 武帝元光一則 太初一則 太始一則 宣帝神爵一則 成帝建始一則 永始一則 和帝一則 東帝一則 章帝元和一則 中元一則 章帝元和

後漢 光武一則 中元一則 章帝元和

魏 文帝黃初一則

吳 主時一則

神異典第一卷

神異總部彙考一

上古

太昊伏羲氏與神鼎以致羣祠

按史記補三皇本紀不載 按路史後紀太昊伏羲氏爰與神鼎制郊禘即命臣芒屨履登龍使鬼物以致群祠而升焉之

黃帝有熊氏受河圖接萬神始立官以司鬼神祠祀

按史記五帝本紀黃帝時萬國和而鬼神山川封禪

與爲多焉

按竹書紀年黃帝軒轅氏五十年秋七月庚申鳳鳥至帝祭於洛水

注 帝有聖德効百神朝而使之驅應龍攻蚩尤以女魃止淫雨天下既定群瑞畢臻五十年大霧三日三夜晝昏帝問天老力牧答成曰于公何如天

老曰臣聞之國安其主好文則鳳凰居之國亂其主好武則鳳凰去之今鳳凰翔于東郊而樂之其

鳴音中夷則與天相副以是觀之天有嚴教以賜

帝帝勿犯也召史卜之龜焦史曰臣不能占也其

問之聖人帝曰已問天老力牧客成矣史北面再

拜曰龜不違聖智故焦龜降游于洛水之上見

大魚殺五牲以醴之天乃甚雨七日七夜魚流于

海得圖書焉龍圖出河龜書出洛赤文篆字以授

軒轅接萬神于明庭今塞門谷口是也 作史

按路史後紀黃帝即位十有五年喜天下之戴己乃

養正命娛耳目昏然五情爽惑于是放萬機舍宮廡

而肆志于昆臺方明執典昌萬參乘張若謂朋前馬

昆閭滑稽後車風后柏常從負書劬發初紫宮之中

涉洹沙而居陰浦降王屋而受丹經登空同而問廣

成封東山而奉中華君策大面而禮甯生入金谷而

咨涓子心訪大伾于具茨即神牧于相成陞鴻隄受

神芝于黃蓋遂盡靈神大明之虛而投玉策于鍾陰

歲已酉朔旦南至而獲神策得黃書爰與封禪于是

始有天地神民事物之官各司其序俾不相亂民是

以能有忠信神是以能有明德民神異業敬而不瀆

故神降之嘉生乃作合宮建壘殿以祀上帝接萬靈

于是采首山之銅鑄三鼎于荆山之陽以象太乙

按通鑑前編黃帝立六相暨史官

注 外紀曰黃帝得六相而天地治神明至

少昊金天氏與郊禘崇五祀作大瀝之樂以諧人神

按路史後紀云云

顓頊高陽氏命重黎司天地以屬神人

按國語楚語昭王問於觀射父曰周書所謂重黎實

使天地不通者何也若無然民將能登天乎對曰非

此之謂也古者民神不雜民之精爽不愾貳者而又

能齊肅衷正其知能上下比義其聖能光遠宣朗其

明能光昭之其聰能聽徹之如是則明神降之在男

曰現在女曰巫是使制神之處位夫主而爲之性器

時服而後使先聖之後之有光烈而能知山川之號

高祖之主宗廟之事昭穆之世齊敬之勤禮節之宜

威儀之則容貌之崇忠信之實禮讓之服而敬恭明

神者以爲之視使名姓之後能知四時之生犧牲之

物玉帛之類采服之儀彝器之量次主之度屏攝之

位壇場之所上下之神氏姓之出而心率舊典者爲

之宗于是乎有天地神明類物之官謂之五官各司

其序不相亂也民是以能有忠信神是以能有明德

民神異業敬而不瀆故神降之嘉生民以物享禍災

不至求用不匱及少皞之衰也九黎亂德民神雜糅

不可方物夫人作事家爲巫史無有要質民匱于祀

而不知其福祿享無度民神同位民瀆齊盟無有嚴

威神狎民則不錫其爲嘉生不降無物以享禍災薦

臻莫盡其氣顓頊受之乃命南正重司天以屬神命

火正黎司地以屬民使復舊常無相侵瀆是爲絕地

天通

按史記五帝本紀帝顓頊依鬼神以制義治氣以教
化潔誠以祭祀北至于幽陵南至于交趾西至于流
沙東至于蟠木動靜之物小大之神日月所照莫不
砥屬

按路史後紀帝顓頊設蕭雋陳陳祿也仗萬靈以信順
監衆神以道物馭氣詔雷電采羽山葛嶧之銅鑄
鼎以藏天下之神上諸著洞臺之山陰宮之丘悉真
之移安德之石壇焉

帝嚳高辛氏明鬼神之事

按史記五帝本紀

陶唐氏

帝堯命舜攝政祀上帝及羣神

按書經虞書舜典正月上日受終于文祖在璿璣玉
衡以齊七政肆類于上帝禋于六宗望于山川偏于
羣神

按路史後紀帝堯立五府以享先祖而祀五帝祭以
其氣迎牲殺于廷毛血詔于室以降土神然後樂作
所以交神明也

有虞氏

帝舜命伯夷典天神地祇人鬼之禮又命重黎掌天
地神祇

按書經虞書舜典帝曰咨四岳有能典朕三禮僉曰
伯夷帝曰俞咨伯汝作秩宗夙夜惟寅直哉惟清伯
拜稽首讓于夔龍帝曰俞往欽哉

扶宗章序鬼神尊卑即周禮天神人鬼地祇

周書呂刑皇帝哀於庶幾之不辜報虐以威遏絕苗

民無世在下乃命重黎絕地天通罔有降格

堯命羲和世掌天地四時之官使人神不擾各
得其序祭皇帝舜也 按孔傳以帝爲堯與 祭傳五異今從祭傳

夏后氏

禹致孝于鬼神

按史記夏本紀云云

帝孔甲好鬼神事

按史記夏本紀帝孔甲立好方鬼神事夏后氏德衰
諸侯畔之

商

湯承上下神祇罔不祇肅

按書經商書太甲伊尹作書曰先王顧諟天之明命
以承上下神祇社稷宗廟罔不祇肅

言能嚴敬鬼神而遠之

帝武乙爲偶人謂之天神而僂辱之暴雷震死

按史記殷本紀帝武乙無道爲偶人謂之天神與之
博令人爲行天神不勝乃僂辱之爲革囊盛血仰而
射之命曰射天武乙獵於河渭之間暴雷武乙震死

帝紂慢於鬼神

按史記殷本紀云云 按周本紀殷之末孫季紂殄
廢先王明德侮蔑神祇不祀

周

周立官掌治天神地祇人鬼之事

按書經周書周官宗伯掌邦禮治神人和上下
治天神地祇人鬼之事

按周禮地官鼓人以雷鼓鼓神祀

雷鼓八面鼓也神祀祀天神也

以靈鼓鼓社祭

靈鼓六面鼓也社祭祭地祇也

以路鼓鼓鬼享

路鼓四面鼓也鬼享享宗廟也

凡祭祀百物之神鼓兵舞鼓舞者

釋曰上文神祀社祭鬼享不及小神故此更廣
見小神之事鄭錡曰或謂祭祀用舞固不止於
兵故彼其神之小者有用兵舞鼓舞之時雖止於
二舞鼓人亦當鳴鼓以作之也神之小者或能爲
人捍患故用兵舞或能爲人除去不祥故用鼓舞

春官大宗伯之職掌建邦之天神人鬼地示之禮以
佐王建保邦國以古禮事邦國之鬼神示以禮祀祀
昊天上帝以實柴祀日月星辰以醴燎祀司中司命
觀師雨師以血祭祭社稷五祀五岳以狸沈祭山林
川澤以醵辜祭四方百物以肆獻裸享先王以饋食
享先王以祠春享先王以楮夏享先王以實秋享先
王以烝冬享先王

正鄭司農云昊天上帝上帝元天也司中三能三
階也司命文昌宮星風師箕也雨師畢也元謂昊
天上帝冬至於圜丘所祀天皇大帝星謂五緯辰
謂日月所會十二次司中司命文昌第五第四星
或曰中能上能也社稷土穀之神有德者配食焉
五岳東曰岱宗南曰衡山西曰華山北曰恆山中
曰嵩山邪特牲曰八蜡以祀四方四年不順成
八蜡不通以謹民財也又曰蜡之祭也主先蠶而
祭司蠶也祭百物以報嘗也

凡祀大神享大鬼祭大示帥執事而卜日宿厭諸饌

准玉皇省牲饗奉玉皇詔大號治其大禮詔相王之
大禮

小宗伯之職掌建國之神位右社稷左宗廟

大裁及執事禱祠于上下神示

大司樂以六律六同五聲八音六舞大合樂以致鬼
神示

神示

注以冬至作之致天神人鬼以夏至作之致
地示物彪動物羽蟲之屬

凡六樂者一變而致羽物及川澤之示再變而致羣
物及山林之示三變而致饗物及丘陵之示四變而
致毛物及墳衍之示五變而致介物及土示六變而
致象物及天神

注土祇原隰及平地之神原隰及平地以其生
九穀故知此土祇中非直有原隰亦有平地之神
也若然彼不言原隰而乃云土祇者欲見原隰中
有社稷故鄭君駁異義云五變而致土祇土祇者
五土之總神

若樂六變則天神皆降可得而體矣

若樂八變則地示皆出可得而禮矣

注天神則主北辰地祇則主崑崙

天神則昊天上帝日月星辰風師雨師之屬莫不
以類而畢降言地示則大示社稷五祀五岳四瀆
山川川澤四方百物之屬莫不以類而畢出

大祝掌六祝之辭以事鬼神示祈禱祥求求貞一日
順祝二日年祝三日吉祝四日化祝五日瑞祝六日
筭祝

以事鬼神示者此六祝皆所以事人鬼及天神

神示

神示

神示

神示

神示

神示

神示

神示

神示

神示

神示

神示

神示

神示

神示

神示

神示

地祇

掌六所以同鬼神示一日類二曰造三曰禴四曰祭
五曰攻六曰說

注鄭氏曰鬼神依人而行好惡未嘗不與人同然
亦有時不同人惡疾厲疾厲或至人惡災害災害
或生師欲有功或不功年欲順成或不順成未必
其心皆同故以六祈祈其同

辨六號一曰神號二曰鬼號三曰示號四曰牲號五
曰蠶號六曰幣號

注神號若云皇天上帝鬼號若云皇祖伯某示號
若云后土地祇

武王懷柔百神

按詩經周頌時邁章懷柔百神及河喬嶽允王維后
按史記周本紀祭公謀父曰文王武王昭前之光明
而加之以慈和事神保民無不欣喜

靈王使其弘明鬼神事設射理首

按史記周本紀不載按封禪書其弘以方事周靈
王諸侯莫朝周周力少其弘乃明鬼神事設射理首
理首者諸侯之不來者依物怪欲以致諸侯諸侯不
從而晉人執殺其弘周人之言方怪者自其弘

按拾遺記周靈王二十三年起昆昭之臺亦名宣昭
聚天下異木神工得畢谷陰生之樹其樹千尋文理
盤錯以此一樹而量用足焉大幹為桁棟小枝為楹
桷其木有龍蛇百獸之形又飾木精以爲泥臺高百
丈昇之以望雲色時有長弘能招致神異王乃登臺
望雲氣新雲忽見二人乘雲而至鬚髮皆黃非諸俗
之類也乘遊龍飛鳳之轡駕以青螭其衣皆縹緞毛

羽也王即迎之上席時天下大旱地裂木燃一人先
唱能爲雪霜引氣一噴則雲起雪飛坐者皆凜然宮
中池井堅冰可琢又設孤臘素羹紫羅文褥熊羆是
西域所獻也施于臺上坐者皆溫又有一人唱能使
即席爲炎乃以指彈席上而風入室裘褥皆棄於
臺下時有客成子諫曰大王以天下爲家而樂異術
使變夏改寒以誣百姓文武周公之所不取也王乃
疎其弘而求正諫之士時異方貢玉人石鏡此石色
白如月照面如雪謂之月鏡有玉人機辰自能轉動
其弘言於王曰聖德所招也故周人以長弘編詔而
殺之流血成石或言成碧不見其屍矣

秦

秦并天下常奉祠四帝及山川諸鬼神

按史記秦始皇本紀不載按封禪書秦襄公既侯
居西垂自以爲主少皞之神作西時祠白帝其牲用
騂駒黃牛羝羊各一云其後十六年秦文公東獵汧
渭之間卜居之而吉文公夢黃蛇自天下屬地其口
止于鄜衍文公問史敦敦曰此上帝之徵君其祠之
于是作鄜時用三牲郊祭白帝焉自未作鄜時也而
雍旁故有吳陽武時雍東有好時皆廢無祠或曰自
古以雍州積高神明之隄故立時郊上帝諸神祠皆
聚云蓋黃帝時嘗用事雖晚周亦郊焉其語不經見
指神者不道作鄜時後九年文公獲若石云于陳倉
北阪城祠之

注蘇林曰質如石也索隱曰云語辭也正義曰三
秦記云太白山西有陳倉山山有石雞與山雞不
別趙高燒山山雞飛去而石雞不去晨鳴山頭聲

神示

神示

神示

神示

神示

神示

神示

神示

神示

神示

神示

神示

神示

神示

神示

神示

神示

開三里或言是玉雞括地志云陳倉山在岐州陳倉縣南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之

其神或歲不至或歲數來也常以夜光輝若流星從東南來集于祠城則若雄雞其聲殷云野雞夜雉以一牢祠命曰陳寶

注寶曰陳倉縣有寶夫人祠或一歲二歲與葉君合葉神來時天為之殷殷雷鳴雉為雉在長安正西五百里韋昭曰在陳倉縣寶而祠之故曰陳寶索隱曰別異傳云陳倉人得異物以獻之道遇二童子云此名為媚在地下食死人腦媚乃言彼二童子名陳寶得雉者王得雉者霸乃逐童子化為雉秦穆公大獵果獲其雉為立祠祭有光雷電之聲雄止南陽有赤光長十餘丈來入陳倉祠中所以代俗謂之寶夫人祠抑有由也葉縣名在南陽葉君即雄雉之神故時與寶夫人神合也

作郎時後七十八年秦德公既立卜居雍後子孫飲馬於河遂都雍雍之諸祠自此興用二百牢于郎時作伏祠

注索隱曰服虔云周時無伏秦始作之漢舊儀云伏者萬鬼行故問晝日不干求也東觀漢記和帝初令伏問晝日是也又歷忌釋曰伏者何金氣伏藏之名四時代謝皆以相生而春木代水水生木也夏火代木木生水也冬水代金金生水也秋則以金代火金畏於火故凡至庚日必伏庚者金也德公立二年卒其後六年秦宣公作密時于渭南祭

青帝秦靈公作吳陽上時祭黃帝作下時祭炎帝樂陽雨金秦獻公自以為得金瑞故作畦時樂陽而祀白帝昔三代之君皆在河洛之間故嵩高為中岳而四岳各如其方四瀆咸在山東至秦稱帝都咸陽則五岳四瀆皆并在東方自五帝以至秦軼與軼衰各山大川或在諸侯或在天子其禮損益世殊不可勝記及秦并天下今祠官所常奉天地名山大川鬼神可得而序也于是自殷以東名山五大川祠二曰太室太室嵩高也恆山太山會稽湘山水曰濬曰淮泰以脯酒為歲祠因泮凍冰涸凍冬養禱祠其牲用牛犢各一牢具珪幣各異自華以西名山七名川四曰華山薄山薄山者襄山也岳山岐山吳岳鴻臚山瀆山蜀之汶山也水曰河祠臨晉河祠漢中泅祠朝那江水祠蜀亦春秋泮涸禱賽如東方名山山川而牲牛犢牢具珪幣各異而四大家鴻臚吳岳皆有客禾陳寶節來祠其河加有膏醪此皆在雍州之域近天子之都故加車一乘驃駒四瀆產長水澧潯涇渭皆非大川以近咸陽盡得此山川祠而無諸加汧洛二瀆鳴澤蒲山岳嶓山之屬為小山川亦皆歲禱賽泮涸祠禮不必同而雍有日月參辰南北斗熒惑太白歲星填星二十八宿風伯雨師四海九臣十四臣諸布諸嚴諸述之屬百有餘廟

注晉灼曰自此以下至天淵王女凡二十六小神不說索隱曰九臣十四臣並不見其名數所出故昔賢皆不論也爾雅祭星曰布或云諸布是祭星之處速亦未詳漢書作遂

西亦有數十祠於湖有周天子祠于下邳有天神澧

滴有昭明

注索隱曰按樂彥引河圖云熒惑星散為昭明天子辟池

注索隱曰樂彥云辟池未聞顧氏以為璧池即滴池所謂華陰平舒道逢使者持璧以遺滴池君故曰璧池

於社毫有三社主之祠壽星祠

注索隱曰社毫二邑有三社主之祠壽星蓋南極老人星也見則天下理安故祠之以祈福壽也而雍官廟亦有杜主杜主故周之右將軍其在秦中 smallest 鬼之神者各以歲時奉祠唯雍四時上帝為尊其光景動人民惟陳寶

注索隱曰地理志杜陵故杜伯國有杜主祠四墨子云周宣王殺杜伯不以罪後宣王田于圃見杜伯執弓矢射宣王伏殺而死故祠之也雍有五時而言四者顧氏以為兼下文上帝為五非也按四時據秦舊而言秦襄公始列為諸侯而作西時文公卜居汧渭之間而作鄭時皆非雍也至秦德公卜居雍而後宣公作密時祠青帝靈公作上時祠黃帝下時祠炎帝獻公作畦時祠白帝是為四并高祖增黑帝而五也正義曰括地志云郎時吳陽上下時是言秦用四時祠上帝青黃赤白最尊貴之也

故雍四時春以為歲禱因泮凍冰涸凍冬養祠五月嘗駒及四仲之月祠若月祠陳寶節來一祠春夏用驛秋冬用驛時駒四匹木禺龍樂車一駒木禺車馬一駒各如其帝色黃纁羔各四珪幣各有數皆生瘞

埋無俎豆之具三年一郊祭以冬十月爲歲首故常以十月上宿郊見通權大拜於咸陽之旁而衣上白其用如經祠云西時畦時祠如其故上不親往諸此祠皆太祝常主以歲時奉祠之至如他各山川諸鬼及八神之屬上過則祠去則已郡縣遠方神祠者民各自奉祠不領于天子之祝官祝官有祕祝即有舊祥輒祝詞移過于下

始皇二十八年東行郡縣祠名山大川及八神

按史記秦始皇本紀二十八年始皇東行郡縣上鄒嶧山立石與魯諸儒生議刻石頌秦德議封禪望祭山川之事乃遂上泰山立石封祠祀下風雨暴至休于樹下因封其樹爲五大夫禪梁父刻所立石乃臨于海還過彭城齊城禪祠欲出周鼎泗水使千人沒水求之弗得乃西南渡淮水之衡山南郡浮江至湘山祠逢大風發不得渡上問博士曰湘君何神博士對曰閭之堯女舜之妻而葬此於是始皇大怒使刑徒二千人皆伐湘山樹薪其山按封禪書始皇東游海上行禮祠名山大川及八神求仙人羨門之屬八神將自古而有之或曰太公以來作之齊所以爲齊以天齊也其祀絕莫知起時八神一曰天主祠天齊天齊淵水居臨菑南郊山下者二曰地主祠太山梁父蓋天好陰祠之必于高山之下小山之上命曰時地貴陽祭之必于澤中圓丘云三曰兵主祠蚩尤蚩尤在東平陸監鄉齊之西境也四曰陰主祠三山五日陽主祠之六曰月主祠之萊山皆在齊北拉渤海七日主祠成山成山斗入海最居齊東北隅以迎日出云八曰四時主祠琅邪琅邪在齊東方蓋

歲之所始皆各用一牢具祠而平祝所損益珪幣雜異焉

始皇三十二年燕人盧生使人海還以鬼神事奏錄圖書

按史記秦始皇本紀三十二年始皇之碣石使燕人盧生求羨門高誓刻碣石門因使韓終侯公石生求仙人不死之藥始皇巡北邊從上郡入燕人盧生使入海還以鬼神事因奏錄圖書曰亡秦者胡也始皇乃使將軍蒙恬發兵三十萬人北擊胡略取河南地

漢

漢王二年更立社稷及黑帝祠令祠官禮祠諸神

按史記高祖本紀二年二月令除秦社稷更立漢社稷六月令祠官祀天地四方上帝山川以時祀之按封禪書漢王二年東擊項籍而還入關問故秦時上帝祠何帝也對曰四帝有白黃赤帝之祠高祖曰吾聞天有五帝而有四何也莫知其說于是高祖曰吾知之矣乃待我而具五也乃立黑帝祠命曰北時有司進祠上不親往悉召故秦祝官復置太祝太宰如其故禮儀因令縣爲公社下詔曰吾甚重祠而敬祭今上帝之祭及山川諸神當祠者各以其時禮祠之如故

高祖六年立諸神祠令祠官女巫領祠之

按史記漢書高祖本紀俱不載按史記封禪書漢王二年立黑帝祠後四歲天下已定詔御史令豐謹治枌榆社常以四時春以羊饗祠之令祝官立蚩尤之祠于長安長安置祠祝官女巫其梁巫祠天地天社天水房中堂上之屬晉巫祠五帝東君雲中司命

巫社巫族人先炊之屬

索隱曰廣雅云東君日也王逸註楚詞雲中雲也東君雲中亦見歸藏易也周禮以檀燎祠司命鄭衆云司命文昌四星也正義曰先炊古炊母之神也

秦巫祠社主巫保族暴之屬

索隱曰社主即上文三社之主巫保族暴二神名

荆巫祠堂下巫先司命施糜之屬

索隱曰巫先謂古巫之先有靈者蓋巫咸之類也施糜鄭元謂主施糜粥之神

九天平祠九天

索隱曰孝武本紀云立九天廟於甘泉三輔故事云胡巫事九天於神明臺淮南子云中央曰鈞天東方曰蒼天東北曰旻天北方曰玄天西北曰幽天西方曰天西南曰朱天南方曰炎天東南曰陽天是爲九天也正義曰太元經云一中天二美天三徒天四罰更入五辟天六郭天七咸天八治天九成天也皆以歲時祠宮中其河巫祠河于臨晉而南山巫祠南山秦中秦中者二世皇帝各有時月

張晏曰子產云匹夫匹婦強死者魂魄能依人爲厲

文帝十三年詔增諸神祠車馬珪幣俎豆之屬

按史記漢書文帝本紀俱不載按史記封禪書文帝十三年制曰朕卽位十三年于今賴宗廟之靈社稷之福方內安民人靡疾問者比年登朕之不德何以饗此皆上帝諸神之賜也蓋聞古者審其德必

報其功欲有增諸神祠有司議增雍五時路車各一乘駕被具西時哇時馬車各一乘馬四匹駕被具其河漢漢水加玉各二及諸祠各增廣壇場珪幣俎豆以差加之而祝釐者歸福於朕百姓不與焉自今祝致敬母有所祈

武帝元光二年郊見五時又立祠祀泰一諸神

按史記武帝本紀上初至雍郊見五時老人薄誘忌奏祠泰一方曰天神貴者泰一泰一佐曰五帝古者天子以春秋祭泰一東南郊用太牢具七日為壇開八通之鬼道於是天子令太祝立其祠長安東南郊常奉祠如忌方其後人有上書言古者天子三年一用太牢具祠神三一天一地一泰一天子許之令太祝領祠之于忌泰一壇上如其方後人復有上書言古者天子常以春秋解祠祠黃帝用一梟破鏡冥羊用羊祠馬行用一青牡馬泰一舉山山君地長用牛武夷君用乾魚陰陽使者以一牛令祠官領之如其方而祠於忌泰一壇旁其後天子苑有白鹿以其皮為幣以發瑞應造白金馬其明年郊獲獲一角獸若庶然有司曰陛下肅祇郊祀上帝報享錫一角獸蓋麟云於是以前五時時加一牛以燎賜諸侯白金以風符應合於天地漢書武帝本紀元符二年以齊人少翁言作甘泉宮置祭具以致天神

按史記武帝本紀獲麟明年齊人少翁以鬼神方見上上有所幸王夫人夫人卒少翁以方術蓋夜致王夫人及童鬼之貌云天子自帷中望見焉於是乃拜少翁為文成將軍賞賜甚多以客禮禮之文成言曰

上即欲與神通宮室被服不象神神物不至乃作畫雲氣車及各以勝日駕車辟惡鬼又作甘泉宮中為臺室畫天地泰一諸神而置祭具以致天神居歲餘其方益衰神不至乃為帛書以飯牛詳弗知也言此牛腹中有奇殺而視之得書書言甚怪天子疑之有識其手書問之人果為書於是該文成將軍而隱之其後則又作柏梁桐柱承露仙人掌之屬矣漢書武帝本紀元符元年明

元符 年置壽宮設供具以禮神君

按史記武帝本紀文成死明年天子病鼎湖甚巫醫無所不致至不愈游水發根乃言曰上郡有巫病而鬼下之上召置祠之甘泉及病使人問神君神君言曰天子母憂病病少愈強與我會甘泉於是病愈遂幸甘泉病良已大赦天下置壽宮神君神君最貴者太一其佐曰太禁司命之屬皆從之非可得見聞其音與人言等時去時來則風蕭然也居室帷中時畫言然常以夜天子祓然後入因平為主人關飲食所欲者言行下又置壽宮北宮張羽旗設供具以禮神君神君所言上使人受書其言命之曰書法其所語世俗之所知也母絕殊者而天子獨喜其事秘世莫知也

元鼎四年使樂大公孫卿等侯神人又立壇祀泰一及羣神

按史記武帝本紀樂成侯上書言樂大樂東宮人故嘗與文成將軍同師已而為膠東王尚方而樂成侯姊為康王后母子康王死他姬子立為王而康后有淫行與王不相中得相危以法康后聞文成已

死而欲自媚於上乃遺樂大因樂成侯求見言方天子既誅文成後悔其早死惜其方不盡及見樂大大悅大為人長美言多方略而敢為大言處之不疑大言曰臣嘗往來海中見安期萊門之屬顧以為臣賤不信臣又以為康王諸侯爾不足方臣數言康王康王又不信臣臣之師曰黃金可成而河決可塞不死之藥可得仙人可致也臣恐效文成則方士皆掩口惡言方士上曰文成食馬肝死爾子誠能修其方我何愛乎大曰臣師非有求人人主求之陛下必欲致之則貴其使者令有親屬以客禮待之勿卑使各佩其信印乃可使通言于神人神人尚肯邪不邪致尊其使然後可致也於是上使先驗小方闕旗旗自相觸擊是時上方憂河決而黃金不就不拜大為五利將軍居月餘得四金印佩天子將軍地士將軍大通將軍天道將軍印制詔御史皆禹疏九江決四瀆間者河溢卑陸隄絲不息朕臨天下二十有八年天若遺朕士而大通焉乾稱蜚龍鴻漸於般意庶幾與焉其以二千戶封地士將軍大為樂通侯賜列侯甲第僅千人乘輿斥車馬帷帳器物以充其家又以衛長公主妻之齋金萬斤更名其邑曰當利公主天子親如五利之第使者存問所給連屬於道自大主將相以下皆置酒其家獻遺之於是天子又刻玉印曰天道將軍使使衣羽衣夜立白茅上五利將軍亦衣羽衣立白茅上受印以示弗臣也而佩天道者且為天子道天神也於是五利常夜示其家欲以下神神未至而百鬼集矣然頗能使之其夜治裝行東入海求其師云大見數月佩六印貴振天下而海上

死而欲自媚於上乃遺樂大因樂成侯求見言方天子既誅文成後悔其早死惜其方不盡及見樂大大悅大為人長美言多方略而敢為大言處之不疑大言曰臣嘗往來海中見安期萊門之屬顧以為臣賤不信臣又以為康王諸侯爾不足方臣數言康王康王又不信臣臣之師曰黃金可成而河決可塞不死之藥可得仙人可致也臣恐效文成則方士皆掩口惡言方士上曰文成食馬肝死爾子誠能修其方我何愛乎大曰臣師非有求人人主求之陛下必欲致之則貴其使者令有親屬以客禮待之勿卑使各佩其信印乃可使通言于神人神人尚肯邪不邪致尊其使然後可致也於是上使先驗小方闕旗旗自相觸擊是時上方憂河決而黃金不就不拜大為五利將軍居月餘得四金印佩天子將軍地士將軍大通將軍天道將軍印制詔御史皆禹疏九江決四瀆間者河溢卑陸隄絲不息朕臨天下二十有八年天若遺朕士而大通焉乾稱蜚龍鴻漸於般意庶幾與焉其以二千戶封地士將軍大為樂通侯賜列侯甲第僅千人乘輿斥車馬帷帳器物以充其家又以衛長公主妻之齋金萬斤更名其邑曰當利公主天子親如五利之第使者存問所給連屬於道自大主將相以下皆置酒其家獻遺之於是天子又刻玉印曰天道將軍使使衣羽衣夜立白茅上五利將軍亦衣羽衣立白茅上受印以示弗臣也而佩天道者且為天子道天神也於是五利常夜示其家欲以下神神未至而百鬼集矣然頗能使之其夜治裝行東入海求其師云大見數月佩六印貴振天下而海上

燕齊之間莫不盛腕而自言有禁方能神仙矣其夏
六月中汾陰巫錦爲民祠魏后土焉旁見地如鉤
狀指視得鼎鼎大異於衆鼎文鏤無款識怪之言吏
吏告河東太守勝勝以聞天子使使驗問巫錦得鼎
無益詐乃以禮祠迎鼎至甘泉從行上薦之至中山
晏溫有黃雲蓋焉有應過上自射之因以祭云其秋
上幸雍且郊或曰五帝泰一之佐也宜立泰一而上
親郊之上疑未定齊人公孫卿曰今年得寶鼎其冬
辛巳朔旦冬至與黃帝時等卿有札書曰黃帝得寶
鼎宛侯問於鬼史區區封曰黃帝得寶鼎神策是歲
己酉朔旦冬至得天之紀終而復始于是黃帝迎日
推策後率二十歲得朔旦冬至凡二十推三百八十
年黃帝仙登于天卿因所忠敬奏之所忠視其書不
經疑其妄書謝曰寶鼎事已決矣尚何以爲卿因發
人奏之上大悅名問卿對曰受此書申功申功已死
上曰申功何人也卿曰申功齊人也與安期生通受
黃帝言無書獨有此鼎書曰漢興復當黃帝之時漢
之聖者在高祖之孫且曾孫也寶鼎出而與神通封
禪封禪七十二王惟黃帝得太上封申功曰漢主
亦當上封上封則能仙登天矣黃帝時萬諸侯而神
靈之封居七千天下名山八而三在蠻夷五在中國
中國華山首山太室太山東萊此五山黃帝之所常
遊與神會黃帝且戰且學仙患百姓非其道乃斷斬
非鬼神者百餘歲然後得與神通黃帝郊雍上帝宿
三月鬼吏區號大鴻死葬雍故鴻冢是也其後黃帝
接萬靈明廷明廷者甘泉也所謂塞門者谷口也黃
帝采首山銅鑄鼎於荆山下鼎既成有龍垂胡頰下

迎黃帝黃帝上騎羣臣後宮從上龍七千餘人龍乃
上去餘小臣不得上乃悉持龍頰龍拔曳黃帝之
弓百姓仰望黃帝既上天乃抱其弓與龍胡頰號故
後世因名其處曰鼎湖其弓曰烏號於是天子曰嗟
乎吾誠得如黃帝吾親去妻子如脫屣耳乃拜卿爲
郎東使候神于太室上遂郊雍至隴西登空桐幸
甘泉令祠官寬舒等具泰一祠壇壇放薄忌泰一壇
壇三垓五帝壇環居其下各如其方黃帝西南除八
通鬼道泰一所用如雍一時物而加醴醢脯之屬殺
一犛牛以爲俎豆牢具而五帝獨有俎豆醴進其下
四方地爲餼食羣神從者及北斗云已祠昨餘皆燔
之其牛色白鹿居其中鉞在鹿中水而泊之祭日以
牛祭月以羊鉞特泰一祝宰則衣紫及纁五帝各如
其色日赤月白十一月辛巳朔旦冬至昧爽天子始
郊拜太一朝朝日夕夕月則揖而見太一如雍禮其
贊費曰天始以寶鼎神策授皇帝期而又期終而復
始皇帝敬拜見焉而衣上黃其祠列火滿壇旁壇旁
烹炊具有司云祠上有光焉公卿言皇帝始郊見泰
一雲陽有司奉瑄玉嘉牲薦饗是夜有美光及黃黃
氣上屬太史公祠官寬舒等曰神靈之休祐福兆
祥宜因此地光城立泰畤壇以明應令太祝領祀及
臘間祠三歲天子一郊見其秋爲伐南粵告祀泰一
以牡刺畫幡日月北斗登龍以象天一三星爲泰一
鋒名曰靈旗爲兵禱則太史奉以指所伐國而五利
將軍使不敢入海之泰山祠上使人微隨驗實無所
見五利妄言見其師其方盡多不讎上乃誅五利其
冬公孫卿候神河南見仙人跡緹氏城上有物若雉

往來城上天子親幸緹氏城視跡問卿得無效文成
五利乎卿曰仙者非有求人主人主求之其道非少
寬假神不來言神事如迂誕積以歲乃可致於是
郡國各除道繕治宮觀名山神祠所以望幸矣按封
四年中功功字封卿當作公
元封元年東巡禮登中岳祠八神封泰山令齊人入
海求蓬萊神人
按史記武帝本紀上議曰古者先振兵澤旅然後封
禪乃遂北巡朔方勒兵十餘萬還祭黃帝冢橋山澤
兵須如既至甘泉爲且用事太山先類祠太一上與
公卿諸生議封禪齊人丁公年九十餘曰封者合不
死之名也秦皇帝不得上封陛下必欲上稍上即無
風雨遂上封矣上於是乃令諸儒習射牛草封禪儀
數年且行天子既聞公孫卿及方士之言黃帝以
上封禪皆致怪物與神通欲放黃帝以嘗接神仙人
蓬萊士高世比德於九皇而頗采儒術以文之群儒
既以不能辨明封禪事又牽拘於詩書古文而不敢
騁上爲封禪器示群儒群儒或曰不與古同徐偃又
曰太常諸生行禮不如魯舊周舊屬圖封事於是上
絀偃而盡罷諸儒弗用三月東幸緹氏禮登中岳太
室從官在山下若聞有言萬歲云問上上不言問下
下不言於是封三百戶封太室奉祠命曰崇高邑東
上泰山遂巡海上行禮祠八神齊人之上疏言神怪
奇方者以萬數然無驗者乃益發船令言海中神山
者數千人求蓬萊神人公孫卿持節常先行候名山
至東萊言夜見一人長數丈就之則不見見其跡甚
大類禽獸云羣臣有言見一老父牽狗言吾欲見巨

公已忽不見上既見大跡未信及羣臣有言老父則大以爲仙人也宿留海上與方士傳車及間使求仙人以千數四月還至奉高上念諸儒及方士言封禪人人殊不經難施行天子至梁父禮祠地主乙卯令侍中儒者皮弁薦紳射牛行事封泰山下東方如郊祠泰一之禮封廣丈二尺高九尺其下則有玉牒書書祕禮畢天子獨與侍中奉車子侯上泰山亦有封其事皆禁明日下陰道丙辰禪泰山下趾東北肅然山如祭后土禮天子皆親拜見衣上黃而盡用樂焉江淮間一茅三脊爲神藉五色土益雜封縱遠方奇獸蜚禽及白雉諸物頗以加祠祀施牛犀象之屬弗用皆至泰山然後去封禪祠其夜若有光晝有白雲起封中天子從封禪還坐明堂羣臣更上壽天子既已封禪泰山既無風雨而方士更言蓬萊諸神山若將可得於是上欣然庶幾遇之乃復東至海上望冀遇蓬萊焉奉車子侯暴病一日死上乃遂去並海上北至碣石巡自遼西歷北邊至九原五月返至甘泉有司言寶鼎出爲元鼎以今年爲元封元年元封二年祠五帝及泰一遂至東萊觀神人又令越巫祠天神上帝百鬼始用雜卜

按史記武帝本紀天子既封禪有司言以今年爲元封元年其來年冬郊雍五帝還拜祝祠泰一贊譽曰德星昭衍厥維休祥壽星仍出淵耀光明信星昭見皇帝敬拜泰祝之響其春公孫卿言見神人東萊山若云見天子天子於是幸緱氏城拜卿爲中大夫遂至東萊宿留之數日母所見見大人跡是時既減南越越人剪之乃言越人俗信鬼而其祠皆見鬼數有

效昔東甌王敬鬼壽至百六十歲後世謾意故衰耗乃令越巫立越祝祠安臺無壇亦祠天神上帝百鬼而以雞卜上信之越祝雞卜始用焉公孫卿曰仙人可見而上往常遽以故不見今陛下可爲觀如緱氏城置脯聚神人宜可致且仙人好樓居於是上令長安則作蜚廉桂觀甘泉則作益延壽觀使卿持節設具而候神人乃作通天臺置祠具其下將招來神仙之屬於是甘泉更置前殿始廣諸宮室云 按封禪書今天子所興祠太一后土三年親郊祠建漢家封禪五年一修封禪思泰一及三一冥羊馬行赤星五寬舒之祠官以歲時致禮凡六祠皆太祝領之至如八神諸明年凡山他名祠行過則祠行去則已方士所興祠各自主其人終則已祠官不主他祠皆如其故今上封禪其後十二歲而還徧於五嶽四瀆矣而方士之候伺神人入海求蓬萊終無有驗而公孫卿之候神者猶以大人之跡爲解無有效天子益怠厭方士之怪迂諂矣然羣靡不絕冀遇其真自此之後方士言神祠者彌衆然其效可睹矣

太初二年命祀五時及諸名山山川用駒者悉以木欄馬代

按史記武帝本紀太初元年西伐大宛蝗大起丁夫入樵陽虞初等以方祠詛匈奴大宛焉其明年有司官雍五時無牢熟具芬芳不備乃命祠官進時饋牢具五色食所勝而以木欄馬代駒焉獨五帝用駒行親郊用駒及諸名山山川用駒者悉以木欄馬代行還乃用駒他禮如故 太始四年祠神人於交門宮

按漢書武帝本紀太始四年夏四月幸不其祠神人於交門宮若有卿坐拜者作交門之歌 宣帝神爵元年以方士言大立諸神祠

按漢書宣帝本紀不載 按郊祀志上始幸甘泉郊見奉時數有美祥修武帝故事盛車服敬齋祠之禮頗作詩歌其三月幸河東祠后土有神爵集改元爲神爵制詔太常夫江海百川之大者也今關焉無祠其令祠官以禮爲歲事以四時祠江海雒水祈爲天下豐年焉自是五嶽四瀆皆有常體東嶽泰山於博中嶽泰室於嵩高南嶽瀛山於瀛西嶽華山於華陰北嶽常山於上曲陽河於臨晉江於江都淮於平氏濟於臨邑界中皆使者持節侍祠唯泰山與河歲五祠江水四餘皆一禱而三祠云時南郡獲白虎獻其皮牙爪上爲立祠又以方士言爲隨侯劍寶玉寶璧周康寶鼎立四祠於未央宮中又祠太室山於即墨三戶山於下密祠天封苑火井於鴻門又立歲星辰星太白熒惑南斗祠於長安城旁又祠泰山八神於曲城蓬山石社石鼓於臨胸之朶山於歷成山於不夜萊山於黃成山祠日萊山祠月又祠四時於琅邪峯尤於壽良京師近縣鄆則有勞谷五畝山日月五帝仙人王女祠雲陽有徑路神祠祭休屠王也又立五龍山仙人祠及黃帝天神帝原水凡四祠於膚施或言益州有金馬碧雞之神可醮祭而致於是遣諫大夫王褒使持節而求之大夫劉更生獻淮南枕中洪寶苑秘之方今尚方鑄作事不驗更生坐論後尚方待詔皆罷 成帝建始二年始祀南郊詔罷諸神祠遣侯神方士

等歸家

按漢書成帝本紀建始二年春正月罷雍五時辛巳上始郊祀長安南郊按郊祀志成帝初即位丞相衛御史大夫譚詡奏言帝王之事莫大乎承天之序承天之序莫重於郊祀故聖王盡心極慮以建其制祭天於南郊就陽之義也瘞地於北郊即陰之象也天之於天子也因其所都而各譽焉往者孝武皇帝居甘泉宮即於雲陽立泰畤祭於宮南今行常幸長安郊見皇天反北之泰陰祠后土反東之少陽事與古制殊又至雲陽行給谷中阨陝且百里汾陰則渡大川有風波舟楫之危皆非聖主所宜數乘郡縣治道共張吏民困苦百官煩費勞所保之民行危險之地難以奉神靈而祈福祐殆未合於承天子民之意昔者周文武帝於豐鄠成王郊於維邑由此觀之天隨王者所居而饗之可見也甘泉泰畤河東后土之祠宜可徙置長安合於古帝王願與羣臣議定奏可大司馬車騎將軍許嘉等八人以爲所從來久遠宜如故右將軍王商博士師丹議郎翟方進等五十人以爲禮記曰燔柴於太壇祭天也瘞蕞於太折祭地也兆於南郊所以定天位也祭地於太折在北郊就陰位也郊處各在聖王所都之南北書曰越三日丁巳用牲于郊牛二周公加牲告徙新邑定郊禮於維明王聖主事天明事地察天地明察神明章矣天地以王者爲主故聖王制祭天地之禮必於國郊長安聖主之居皇天所觀視也甘泉河東之祠非神靈所饗宜徙就正陽大陰之處遠俗復古循聖制定天位如禮便於是衛譚奏議曰陛下聖德聰明

上通承天之大典覽羣下使各悉心盡慮議郊祀之處天下幸甚臣聞廣謀從衆則合於天心故洪範曰三人占則從二人言言少從多之義也論當復古宜於萬民則依而從之違道寡與則廢而不行今議者五十八人其五十人言當從之義皆著於經傳同於上世便於吏民其八人不按經藝考古制而以爲不宜無法之議難以定吉凶太誓曰正稽古立功立事可以永年不天之大律詩曰毋曰高高在上陟降厥士日監在茲言天之日監王者之處也又曰迺眷西顧此維予宅言天以文王之都爲居也宜於長安定南北郊爲萬世基天子從之既定衛言甘泉泰畤紫壇八軋宜通象八方五帝壇周環其下又有羣神之壇以尚書禮六宗望山川徧羣神之義紫壇有文章采鑣黻之飾及玉女樂石壇仙人祠蓬萊路辟駒高龍馬不能得其象於古臣聞郊紫壇羣帝之義增地而祭上質也歌大呂舞雲門以娛天神歌太簇舞咸池以娛地祇其牲用犢其席栗藉其器陶匏皆因天地之性貴誠上質不敢修其文也以爲神祇功德至大雖修精微而備庶物猶不足以報功唯至誠爲可故上質不飾以章天德紫壇備飾女樂鸞路騂駒龍馬石壇之屬宜皆勿修衛又言王者各以其禮制事天地非因異世所立而繼之今雍鄠密上下時本秦侯各以其意所立非禮之所載衛也漢興之初儀制未及定即且因秦故祠復立北時今既稽古建定天地之大禮郊見上帝青赤白黃黑五方之帝皆畢陳各有位饗祭祀備具諸侯所安造王者不當長遵及北時未定時所立不宜復修天子皆從焉及陳寶

祠由是皆罷明年上始祀南郊赦奉郊之縣及中都官耐罪囚徒是歲衛譚復條奏長安廚官縣官給祠郡國侯神方士使者所祠凡六百八十三所其二百八所應禮及疑無明文可奉祠如故其餘四百七十五所不應禮或復重請皆罷奏可本雍舊祠二百三所惟山川諸星十五所爲應禮云若諸布諸嚴諸遂皆罷社主有五祠置其一又罷高祖所立梁晉秦荆巫九天南山萊中之屬及孝文渭陽孝武薄忌秦一三一黃帝冥羊馬行秦一舉山山君武夷夏后啓母石萬里沙八神延年之屬及孝宣參山蓬山之不成山萊山四時蚩尤勞谷五林仙人玉女徑路黃帝天神原水之屬皆罷侯神方士使者副佐本草待詔七十餘人皆歸家

未始三年詔復諸神祠

按漢書成帝本紀未始三年冬十月庚辰皇太后詔有司復甘泉泰畤汾陰后土雍五時陳倉陳寶祠按郊祀志匡衡坐事免官爵衆庶多言不當變動祭記者又初罷甘泉泰畤作南郊日大風壞甘泉竹官折拔時中樹木十圍以上百餘天子異之以問劉向對曰家人尚不欲絕種祠況於國之神寶舊時且甘泉汾陰及雍五時始立皆有神祇感應然後營之非苟而已也武宣之世奉此三神禮敬敬備神光尤著祖宗所立神祇舊位誠未易動及陳寶祠自秦文公至今七百餘歲矣漢興世世常來光色赤黃長四五丈直祠而思音聲碎隱野雞皆雉每見雍太祝祠以太牢遣侯者乘傳馳詣行在所以爲福祥高祖時五來文帝二十六來武帝七十五來宣帝二十五來初

元元年以來亦二十來此陽氣奮祠也及漢宗廟之禮不得擅議皆祖宗之君與賢臣所共定古今異制經無明文至尊至重難以疑說正也前始納黃禹之議後人相因多所動搖易大傳曰誣神者殃及三世恐其咎不獨止焉等上意恨之後上以無繼嗣故令皇太后詔有司曰蓋聞王者承事天地交接泰一尊莫著於祭祀孝武皇帝大聖通明始建上下之祀營泰時於甘泉定后土於汾陰而神祇安之擇國長久子孫蕃滋累世遵業福流於今今皇帝寬仁孝順奉循聖緒靡有大愆而久無繼嗣思其咎職殆在從南北郊違先帝之制改神祇舊位失天地之心以妨繼嗣之福春秋六十未見皇孫食不甘味寢不安席朕甚悼焉春秋大復古善順祀其復甘泉泰畤汾陰后土如故及雍五畤陳寶祠在陳倉者天子復親如禮如前又復長安雍及郡國祠著明者且半

按漢書成帝本紀不載 按郊祀志成帝末年頗好鬼神亦以無繼嗣故多上書言祭祀方術者皆得待詔祠祭上林苑中長安城旁費用甚多然無大貴盛者谷永說上曰臣聞明於天地之性不可惑以神怪知萬物之情不可罔以非類諸背仁義之正道不遵五經之法言而盛稱奇怪鬼神廣崇祭祀之方求報無福之祠及言世有仙人服食不終之藥違典輕舉登遐倒景覽觀縣圖浮游蓬萊耕耘五德朝種暮穫與山石無極黃治變化堅冰渾濁化邑五倉之術者皆姦人惑衆挾左道懷詐偽以欺罔世主聽其言洋

洋盈耳若將可遇求之盡盡如繁風捕景終不可得是以明王距而不聽聖人絕而不語昔周史其弘欲以鬼神之術輔尊靈王會朝諸侯而周室愈微諸侯愈叛楚懷王隆祭祀事鬼神欲以獲福助卻秦師而兵挫地削身辱國危秦始皇初并天下甘心於神仙之道遺徐福韓終之屬多齋童男童女入海求神采藥因逃不還天下怨恨漢興新垣平齊人少翁公孫卿樂大等皆以仙人黃治祭祀事鬼使物入海求仙采藥貴幸賞賜累千金大尤尊盛至妻公主爵位重案震動海內元鼎元封之際燕齊之間方士瞋目覘擊言有神仙祭祀致福之術者以萬數其後平等皆以術窮詐得誅夷伏辜至初元中有天淵王女鉅鹿神人韓陽侯師張宗之姦紛紛復起夫周秦之末三五之隆已嘗專意散財厚爵祿疎精神舉天下以求之矣曠日經年靡有毫釐之驗足以接今經日享多儀儀不及物惟曰不享論語說曰子不語怪神惟陛下距絕此類毋令姦人有以窺朝者上善其言

哀帝 年盡復諸神祠
按漢書哀帝本紀不載 按郊祀志成帝即位歲疾博徵方術士京師諸縣皆有侍祠使者盡復前世所常與諸神祠官凡七百餘所一歲三萬七千祠云
平帝元始元年禁淫祀以義陵神衣自出柙用太牢祀
按漢書平帝本紀元始元年二月禁淫祀乙未義陵寢神衣在柙中丙申旦衣在外牀上寢令以急變聞用太牢祠
元始五年王莽奏復南北郊定事神祠廟兆時

按漢書平帝本紀不載 按郊祀志成帝元年始五年大司馬王莽奏言王者父事天故爵稱天子孔子曰人之行莫大於孝孝莫大於嚴父嚴父莫大於配天王者尊其考欲以配天緣考之意欲尊祖推而上之遂及始祖是以周公郊祀后稷以配天宗祝文王於明堂以配上帝禮記天子祭天地及山川歲備春秋穀梁傳以十二月下辛上正月上辛郊高皇帝受命因雍四時起北時而備五帝未共天地之祀孝文十六年用新垣平初起渭陽五帝廟祭泰一地祇以太祖高皇帝配日冬至祠泰一夏至祠地祇皆并祠五帝而共一牲上親郊拜後平伏誅適不復自親而使有司行事孝武皇帝祠雍曰今上帝朕親郊而后土無祠則禮不答也於是元鼎四年十一月甲子始立后土祠於汾陰或曰五帝泰一之佐宜立泰一五年十一月癸未始立泰一祠於甘泉二歲一郊與雍更祠亦以高祖配不歲事天皆未應古制建始元年徙甘泉泰畤河東后土於長安南北郊永始元年三月以未有皇孫復甘泉河東祠綏和二年以卒不獲祐復長安南北郊建平二年懼孝哀皇帝之疾未瘳復甘泉汾陰祠竟復無福臣謹與太師孔光長樂少府平晏大司農左咸中壘校尉劉歆大中大夫朱陽博士薛順議郎國由等六十七人議皆曰宜如建始時丞相衡等議復長安南北郊如故莽又奏言書曰類于上帝禮于六宗歐陽大小夏侯三家說六宗皆曰上不及天下不及墜旁不及四方在六者之間助陰陽變化實一而名六名實不相應禮記祀典功施於民則祀之天文日月星辰所昭仰也地理山川海澤

民則祀之天文日月星辰所昭仰也地理山川海澤

所生植也易有八卦乾坤六子水火不相逮風不
相許山澤通氣然後能變化既成萬物也臣前奏從
甘泉泰畤汾陰后土皆復於南北郊謹按周官兆五
帝於四郊山川各因其方今五帝兆居在雍五時不
合於古又日月風山澤易卦六子之尊氣所謂六
宗也星辰水火澤廣皆六宗之屬也今或未特祀或
無兆居謹與太師光太司徒宮義和欽等八十九人
議皆曰天子父事天母事地今稱天神曰皇天上帝
泰一兆曰泰畤而稱地祇曰后土與中央黃靈同又
兆北郊未有尊稱宜令地祇稱皇靈后祇兆曰廣時
易曰方以類聚物以羣分分羣神以類相從為五部
兆天墜之別神中央帝黃靈后土時及日廟北辰北
斗填星中宿中宮於長安城之未墜兆東方帝太昊
青靈句芒時及靈公風伯廟歲星東宿東宮於東郊
兆南方炎帝赤靈祝融時及熒惑星南宿南宮於南
郊兆西方帝少皞白靈蓐收時及太白星西宿西宮
於西郊兆北方帝顓頊黑靈元冥時及月廟兩師廟
辰星北宿北宮於北郊兆可於是長安旁諸廟兆
時甚盛矣

後漢

世祖建武元年祭告天地及羣神

按後漢書世祖本紀建武元年六月己未即皇帝位
燔燎告天禮於六宗望於羣神 按祭祀志光武即
位於鄴為壇營於鄴之陽祭告天地采用元始中郊
祭故事六宗羣神皆從未以祖配天地共備餘牲尚
約
建武二年初制天地及諸神兆位

按後漢書世祖本紀建武二年春正月壬子起高廟
建社稷於洛陽立郊兆於城南 按祭祀志二年正
月初制郊兆於雒陽城南七里依鄴采元始中故事
為圓壇八陛中又為重壇天地位其上皆南向西上
其外壇上為五帝位青帝位在甲寅之地赤帝位在
丙巳之地黃帝位在丁未之地白帝位在庚申之地
黑帝位在壬亥之地其外為壇重營皆紫以像紫宮
有四通道以為門日月在中營內南道日在東月在
西北斗在北道之西皆別位不在羣神列中八陛陸
五十八畝合四百六十四畝五帝陸郭帝七十二畝
合三百六十畝中營四門門五十四神合二百一十
六神外營四門門百八神合四百三十二神皆皆營
內鄉中營四門門封神四外營四門門封神四合三
十二神凡千五百一十四神營即建也封土築也
背中營神五星也及中宮宿五官神及五嶽之屬也
背外營神二十八宿外官星雷公先農風伯雨師四
海四瀆名山大川之屬也龍屬平後乃增廣郊祀高
帝配食位在中壇上西面北上天地高帝黃帝各用
饋一頭青帝赤帝共用饋一頭白帝黑帝共用饋一
頭凡用饋六頭日月北斗共用牛一頭四營羣神共
用牛四頭凡用牛五頭凡樂奏青陽朱明西皓元冥
及雲翹育命舞中營四門門用席十八枚外營四門
門用席三十六枚凡用席二百一十六枚皆莞篋率
一席三神日月北斗無陸郭殿既送神饋俎實於壇
南巳地

注周禮凡以神位者掌三辰之法以爲鬼神示之
居辨其名物鄭元曰魯圖也居謂坐也天者羣神

之精日月星辰其著位也以此圖天神人鬼地祇
之坐者謂布祭衆寡與其居向皆有明法焉

中元元年封禪泰山祭天地及羣神

按後漢書世祖本紀中元元年二月己卯幸魯進幸
太山辛卯柴望岱宗登封太山甲午禪於梁父 按
祭祀志建武三十二年正月上齋夜讀河圖會昌符
曰赤劉之九會命岱宗不憚克用何益於承誠善用
之姦偽不萌感此文乃詔松等復案案河圖雜議
文言九世封禪事者松等列奏乃許焉二月上至奉
高二十二日辛卯晨燎祭天於泰山下南方羣神皆
從用樂如南郊事畢將升封或曰泰山雖已從食於
樂祭今親升告功宜有禮祭於是使調者以一特牲
於常祠泰山處告祠泰山如親耕劉先祠先農先
虞故事至食時御輦升山日中後到山上更衣早脯
時即位於壇北面羣臣以次陳後西上畢位升壇尚
書令奉玉牒檢皇帝以寸二分璽親封之訖太常命
人發壇上石尚書令藏玉牒已復石覆訖尚書令以
五寸印封石檢事畢皇帝再拜羣臣稱萬歲命人立
所刻石碑乃復道下二十五日甲午禪祭地於梁陰
以高后配山川羣神從如元始中北郊故事四月己
卯大赦天下以建武三十二年為建武中元元年以
吉日刻玉牒書函藏金匱璽印封之乙酉使太尉行
事以特告至高廟太尉奉璽以告高廟藏於廟室西
壁石室高主室之下

章帝元和二年詔祀山川百神

按後漢書章帝本紀元和二年春二月詔曰今山川
鬼神應典禮者尚未咸秩其議增修羣祀以祈豐年